

Historia di Hospitaal

Pa: B. Bergen

Parti 3



Door op een knop te drukken heeft gezaghebber Oscar Henriquez gistermiddag de "Intensive Care Unit" van het San Pedro Hospitaal in werking gesteld. De apparatuur, het modernste op dit gebied, werd geheel in eigen beheer geïnstalleerd onder leiding van de heer A. Bergen hoofd technische dienst van het San Pedro Hospitaal, en betekent een zeer grote aanwinst voor het hospitaal.

Na fin di Juni año 1965 a tuma lugar un ceremonia pa efectua e entrega oficial di un aparato di Rontgen, un regalo di Koningin Wilhelmina Fonds pa combati cancer. E aparato a wordo instala den un edificio cu tabata un magazijn cu a wordo cambia door di e empleadonan di servicio tecnico di hospitaal, bao guia di e hefe di e departamento di hospitaal. E edificio a wordo cambia paden, segun indicacionnan special di e fabrica, pa invita rontgenstraling paden y pafor di e edificio. Door di e aparato nobo, menos pacient lo bay Corsow pa tratamiento.

Meimei di luna di November 1965 Hospitaal a haya un bloodbank, esta un bloodkoelingsinstallatie, un regalo di Aruba Lions Club.

Tambe na mes un tempo Gobierno a haya noticia cu Hulanda a bay di acuerdo cu e proyecto di hospitaal, pero Hulanda a duna di conoce cu nan ta dispuesto pa financia mitar di e gastonan, a base di un proyecto cu no ta rendable y e otro di un prestamo ariba un condicion pa tempo largo. A bin resulta, cu financiamiento bao e condicionnan aki lo pone un peso duro ariba e lomba di e ciudadanonan, pasobra e gastonan lo bira mucho halto y e tarifanan pa pueblo lo subi. Como cu e gastonan lo bira asina halto, a dicidi di pidi EEG un yudanza pa mitar di gastonan como un "regalo", un yudanza esta den un forma cu Aruba no tin mester di paga bek y e otro mitar a pidi Hulanda un prestamo bao un mihor condicion.

Fin di año 1967 e proyecto di Hospitaal tabata cla pa tene un destaho publico, pero EEG a pone como condicion cu nan kier controla e proyecto prome, pero como cu e control lo dura mucho largo, Aruba no a bay cu e condicion di EEG. EEG a dicidi di no financia e proyecto y e ora ey Aruba a pidi Hulanda pa financia e proyecto den su totalidad. Mitar di luna di Mei año 1970, Hulanda a laga Aruba sa cu nan lo financia e proyecto, esta 18 milyon florin y den e suma aki 1.2 milyon ta pa aparatonan.

Fin di September 1970 Hospitaal San Pedro a haci 50 año di existencia, esta un hubileo di oro, 50 año largo hospitaal tabata den servicio di nos comunidad. En coneccion cu e celebracion,

como gradicimento di pueblo di Aruba pa Hospitaal, a lanta un comision yama "Fifty for fifty" cu a tene diferente accion, pa recauda fondo pa un regalo pa Hospitaal. E regalo a bira un Intensive Care Unit. Cu e placa Hospitaal a haya un I.C.R. cu tres cama y aparatonan pa controla curazon, un beademingsapparaat y un defiblator y e resto di cosnan necesario.

Aparatonan a wordo cumpra y instala door di servicio tecnico di hospitaal, bao guia di e hefe di e departamento tecnico, Ing. A.E. Bergen.

Señor Oscar Henriquez, no como Gezaghebber, sino como persona a tene palabra pa yama danki na tur hende cu un di un of otro manera a duna man, pa yega na e bunita regalo. Dr. Hage a gradici Servicio tecnico di hospitaal y Dr. Rudy Chan y Dr. Willemse, dos internista a duna splicacion di e aparatonan. Cu e aparatonan, hospitaal a haya un I.C.R. cu aparatonan mas moderno den Caribe, es tempo ey.

E destaho pa e hospitaal a tuma lugar dia 25 di Januari 1971. E prijs cu e contratista a duna tabata 20.495.000 florin. E suma aki tabata sin aparatonan esta, solamente pa e edificio. Como tabata tin solamente Naf. 20.000.000 disponible pa e edificio y aparatonan, mester a busca un moda pa reduci e prijs. Despues di hopi deliberacion entre Gobierno, architectonan, adviseurnan di instalacion, constructor di beton y Combinatie ziekenhuis Aruba, a logra haya diferente punto cu por wordo reduci, esta cambia diferente cos y laga algun cos afor of traha cosnan mas barata. Nan a yega dia 18 Februari 1972 na un acuerdo, esta un prijs di Naf.15.300.00 locual segunnan e hospitaal por wordo traha.

Despues cu e hefe di servicio tecnico di Hospitaal San Pedro a screen tur e tekeningen nan y controla e cambionan, el a laga Gobierno sa, cu door di diferente cambio ariba cosnan importante, despues e cambionan lo bay costa mas pa drecha of haci cambio di un ICR of un Recovery Room, un magazijn mucho chiquito, sin portiersloge y un bliksemafleider pa seguridad di e edificio.